

et Pauli, et istórum, et ómnium Sanctórum: ut illis proficiat ad honórem, nobis autem ad salutem: et illi pro nobis intercedere dignéntur in cœlis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, et versus ad populum, dicit:

Orâte fratres: ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent, alioquin ipsemet Sacerdos:

Suscipiat Dóminus sacrificium de mánibus tuis (vel meis) ad laudem, et glóriam nóminis sui, ad utilitatem quoque nostram, totiúsque Ecclesiæ suæ sanctæ.

Sacerdos submissa voce dicit: Amen.

Deinde sine Orémus. subjungit Orationes secretas. Quibus finitis, clara voce dicit:

Per omnia sæcula sæculórum. **R.** Amen. **Ÿ.** Dóminus vobiscum. **R.** Et cum spiritu tuo. **Ÿ.** Sursum corda. **R.** Habémus ad Dóminum. **Ÿ.** Grátias agamus Dómino Deo nostro. **R.** Dignum et justum est.

Vere dignum et justum est, æquum et salutáre, nos

tibi semper, et ubique grátias ágere: Dómine sancte, Pater omnipotens, ætérne Deus: per Christum Dóminum nostrum. Qui ascéndens super omnes cœlos, sedénsque ad dexteram tuam, promissum Spiritum Sanctum hodiérna die in filios adoptiónis effúdit. Quaprópter profúsis gáudiis, totus in orbe terrarum mundus exsultat. Sed et supérnæ Virtútes, atque angélicæ Potestátes, hymnum glóriæ tuæ cóncinunt, sine fine dicéntes.

Sanctus, Sanctus, Sanctus Dóminus Deus Sábaoth. Pleni sunt cœli, et terra glória tua. Hosánna in excélsis.

Benedictus, qui venit in nómine Dómini. Hosánna in excélsis.

Canon Missæ.

TE igitur, clementissime Pater, per Jesum Christum Filium tuum Dóminum nostrum, súpplices rogámus, ac pétimus, ut accépta hábeas, et benedicas hæc dona, hæc múnera, hæc sancta sacrificia illibáta, in primis, quæ tibi offérimus pro Ecclesiá tua sancta cathólica: quam pacificáre, custodire, adunáre, et

régere dignéris toto orbe terrarum: una cum famulo tuo Papa nostro **N.** et Antístite nostro **N.** et ómnibus orthodoxis, atque cathólicæ, et apostólicæ fidei cultóribus.

Commemoratio pro vivis.

Memento, Dómine, famulórum, famularúmque tuárum **N.** et **N.** Sacerdos orat aliquantulum pro quibus orare intendit: et ómnium circumstántium, quorum tibi fides cónita est, et nota devótió, pro quibus tibi offérimus: vel qui tibi offerunt hoc sacrificium laudis, pro se, suisque ómnibus: pro redemptióne animárum suárum, pro spe salutis, et incolumitátis suæ: tibi que reddunt vota sua ætérno Deo, vivo et vero.

Infra Actionem.

Communicántes, et diem sacratissimum Pentecóstes celebrántes, quo Spiritus Sanctus Apóstolis innúmeris linguis apparuit: sed et memóriam venerántes, in primis glorióssæ semper Virginis Mariæ, Genitricis Dei et Dómini nostri Jesu Christi: sed et beatórum Apóstolorum, ac Mátyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bar-

tholomæi, Matthæi, Simónis et Thaddæi: Lini, Cleti, Clementis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quorum méritis, precibusque concédas; ut in ómnibus protectiónis tuæ muniámur auxilio.

Jungit manus. Per eúndem Christum Dóminum nostrum. Amen.

Tenens manus expansas super oblata, dicit:

Hanc igitur oblatiónem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua, et Spiritu Sancto, tribuens eis remissionem ómnium peccatórum, quæsumus Dómine, ut placátus accipias: diésque nostros in tua pace dispónas, atque ab ætérna damnatióne nos éripi, et in electórum tuórum júbeas grege numerári.

Jungit manus. Per Christum Dóminum nostrum. Amen.

Et dicitur usque ad sequens Sabbatum inclusive.

Quam oblatiónem tu Deus in ómnibus, quæsumus, benedictam, adscriptam, ra-

ram, rationabilem, acceptabilemque facere digneris: ut nobis Corpus, et Sanguis fiat dilectissimi Filii tui Domini nostri Jesu Christi.

Qui pridie quam pateretur, accepit panem in sanctas, ac venerabiles manus suas, et elevatis oculis in cælum ad te Deum Patrem suum omnipotentem, tibi gratias agens, benedixit, fregit, deditque discipulis suis, dicens: Accipite, et manducate ex hoc omnes.

Hoc est enim Corpus meum.

Simili modo postquam cenatum est, accipiens et hunc præclarum Calicem in sanctas, ac venerabiles manus suas: item tibi gratias agens, benedixit, deditque discipulis suis, dicens: Accipite, et bibite ex eo omnes.

Hic est enim Calix Sanguinis mei, novi et æterni testamenti: mysterium fidei: qui pro vobis et pro multis effundetur in remissionem peccatorum.

Hæc quotiescúmque feceritis, in mei memoriam facietis.

Deinde dicit:

Unde et memores, Domine, nos servi tui, sed et plebs tua sancta, ejusdem Christi Filii tui Domini nostri tam beatæ passionis, nec non et ab inferis resurrectionis, sed et in cælos gloriôsæ ascensionis: offerimus præclaræ majestati tuæ de tuis donis, ac datis, hostiam puram, hostiam sanctam, hostiam immaculatam, Panem sanctum vitæ æternæ, et Calicem salutis perpetuæ.

Supra quæ propitio ac sereno vultu respicere digneris: et accepta habere, sicuti accepta habere dignatus es mûnera pueri tui justi Abel, et sacrificium Patriarchæ nostri Abrahæ: et quod tibi obtulit summus sacerdos tuus Melchisedech, sanctum sacrificium, immaculatam hostiam.

Profunde inclinatus dicit:

Supplices te rogamus, omnipotens Deus: jube hæc perferri per manus sancti Angeli tui in sublime altare tuum, in conspectu divinæ majestatis tuæ: ut quotquot ex hac altaris participatione sacrosanctum Filii tui Corpus, et Sanguinem sumpsérimus, omni benedictione cœlesti et gratia repleamur. Per eum-

dem Christum Dominum nostrum. Amen.

Commemoratio pro defunctis.

Memento etiam, Domine, famulorum, famularumque tuarum **N.** et **N.** qui nos præcesserunt cum signo fidei, et dormiunt in somno pacis. **Sacerdos orat aliquantulum pro iis defunctis, pro quibus orare intendit.** Ipsis, Domine, et omnibus in Christo quiescentibus, locum refrigerii, lucis et pacis, ut indulgeas, deprecamur. Per eundem Christum Dominum nostrum. Amen.

Manu dextera percussit sibi pectus, dicens:

Nobis quoque peccatoribus famulis tuis, de multitudine miseratorum tuarum sperantibus, partem aliquam, et societatem donare digneris, cum tuis sanctis Apóstolis et Martyribus: cum Joanne, Stéphano, Mathia, Bárnaba, Ignatio, Alexandro, Marcellino, Petro, Felicitate, Perpétua, Agatha, Lúcia, Agnête, Cæcilia, Anastasia, et omnibus Sanctis tuis: intra quorum nos consortium, non aestimátor mériti, sed véniæ, quæsumus, largitor admitte. Per Christum Dominum nostrum.

Per quem hæc omnia, Domine, semper bona creas, sanctificas, vivificas, benedicis, et præstas nobis.

Per ipsum, et cum ipso, et in ipso, est tibi Deo Patri omnipotenti, in unitate Spiritus Sancti, omnis honor, et glória.

Per omnia sæcula sæculorum. **R.** Amen.

Oremus: Præceptis salutariibus mōniti, et divina institutione formati, audent dicere: **Pater noster**, qui es in cœlis: Sanctificetur nomen tuum: **Adveniat regnum tuum: Fiat voluntas tua**, sicut in cœlo, et in terra. Panem nostrum quotidianum da nobis hodie: et dimitte nobis debita nostra, sicut et nos dimittimus debitoribus nostris. Et ne nos inducas in tentationem. **R.** Sed libera nos a malo.

Sacerdos secrete dicit: Amen.

Libera nos, quæsumus Domine, ab omnibus malis, præteritis, præsentibus, et futuris: et intercedente beata, et gloriôsa semper Virgine Dei Genitrice Maria, cum beatis Apóstolis tuis Petro et Paulo, atque Andréa, et omnibus Sanctis, da propitius pacem in diebus nostris: ut ope mi-

sericórdiæ tuæ adjúti, et a peccáto simus semper líberi, et ab omni perturbatióne secúri. Per eúndem Dóminum nostrum Jesum Christum Fílium tuum: Qui tecum vivit et regnat in unitáte Spiritus Sancti Deus.

Per ómnia sæcula sæculórum. *R.* Amen.

Pax Dómini sit semper vobíscum. *R.* Et cum spiritu tuo.

Particulam immittit in Calicem, dicens:

Hæc commíxtio, et conscrátio Córporis et Sanguinis Dómini nostri Jesu Christi, fiat accipiéntibus nobis in vitam ætérnam. Amen.

Agnus Dei, qui tollis peccáta mundi: miserére nobis.

Agnus Dei, qui tollis peccáta mundi: miserére nobis.

Agnus Dei, qui tollis peccáta mundi: dona nobis pacem.

Deinde inclinatus dicit sequentes Orationes.

Dómine Jesu Christe, qui dixisti Apóstolis tuis: Pacem relinquo vobis, pacem meam dó vobis: ne respicias peccáta mea, sed fidem Ecclésiæ tuæ: eámque secúndum voluntátem

tuam pacificáre et coadunáre dignéris: qui vivis et regnas Deus per ómnia sæcula sæculórum. Amen.

Dómine Jesu Christe, Fili Dei vivi, qui ex voluntáte Patris, cooperánte Spiritu Sancto, per mortem tuam mundum vivificásti: líbera me per hoc sacrosáctum Corpus et Sanguinem tuum ab ómnibus iniquitatibus meis, et univérsis malis: et fac me tuis semper inhærére mandátis, et a te numquam separári permittas: qui cum eódem Deo Patre, et Spiritu Sancto vivis et regnas Deus in sæcula sæculórum. Amen.

Percéptio Córporis tui, Dómine Jesu Christe, quod ego indignus súmere præsumo, non mihi provéniat in júdiciú et condemnatiónem: sed pro tua pietáte prosit mihi ad tutaméntum mentis et cörperis, et ad medélam percipiéndam: qui vivis et regnas cum Deo Patre in unitáte Spiritus Sancti Deus, per ómnia sæcula sæculórum. Amen.

Panem cœléstem accipiám, et nomen Dómini invocábo.

Sacerdos dextera percutiens pectus, dicit ter devote, et humiliter:

Dómine, non sum dignus, ut intres sub tectum meum: sed tantum dic verbo, et sanábitur ánima mea.

Postea se signans cum Hostia dicit:

Corpus Dómini nostri Jesu Christi custódiat animam meam in vitam ætérnam. Amen.

Quid retríbuiam Dómino pro ómnibus quæ retríbuit mihi? Cálicem salutáris accipiám, et nomen Dómini invocábo. Laudans invocábo Dóminum, et ab inimicis meis salvus ero.

Calice se signans, dicit:

Sanguis Dómini nostri Jesu Christi custódiat animam meam in vitam ætérnam. Amen.

Postea dicit:

Quod ore súmpsimus, Dómine, pura mente capiámus: et de múnere temporáli fiat nobis remédium sempitérnum.

Corpus tuum, Dómine, quod sumpsi, et Sanguis, quem potávi, adhæreat viscéribus meis: et præsta; ut in me non remáneat scélerum mácula, quem pura et sancta referunt sacraménta: Qui vi-

vis et regnas in sæcula sæculórum. Amen.

Deinde prosequitur Missam, legit Communiónem et Orationes post Communiónem et post ultimam Orationem dicit:

Dóminus vobíscum. *R.* Et cum spiritu tuo. *Itē missa est, vel Benedicámus Dómino. R.* Deo grátias.

Sacerdos inclinat se ante medium Altaris, et dicit:

Pláceat tibi, sancta Trinitas, obséquium servitútis meæ: et præsta; ut sacrificium, quod óculis tuæ majestátis indignus obtuli, tibi sit acceptábile, mihi que, et ómnibus, pro quibus illud obtuli, sit, te miseránte, propitiábile. Per Christum Dóminum nostrum. Amen.

Deinde benedicit populo, dicens:

Benedicat vos omnipotens Deus, Pater, et Fílius, et Spiritus Sanctus. *R.* Amen.

¶ Dóminus vobíscum. *R.* Et cum spiritu tuo.

Initium sancti Evangélii secúndum Joánnem.

R. Glória tibi Dómine.

In princípío erat Verbum, et Verbum erat apud Deum, et Deus erat Verbum. Hoc erat in princípío apud

Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebræ eam non comprehenderunt. Fuit homo missus a Deo, cui nomen erat Joánnes. Hic venit in testimónium, ut testimónium perhiberet de lumine, ut omnes créderent per illum. Non erat ille lux, sed ut testimónium perhiberet de lumine. Erat lux vera, quæ illúminat omnem hóminem veniéntem in hunc mundum. In mundo erat,

et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguinibus, neque ex voluntáte carnis, neque ex voluntáte viri, sed ex Deo nati sunt. *(Hic genuflectitur.)* Et Verbum caro factum est, et habitávit in nobis: et vidimus glóriam ejus, glóriam quasi Unigéniti a Patre, plenum grátia et veritátis. **R.** Deo grátias.





00